

Mashelo Ma Anfem na Raru Ta Amari Ma Rawuni Kepet

KAWASƏR ANKAN

Owa ta salata kasothne ayiki a komane an fem akpet, owa yi amari methenane a komane na-e, na yi angbeth na rawankom, malompi, yi mathofal ka noru.

Owa, ka kala agbar yi kasay amari ma anfem akpet ma po kara kadifethane ake po laser tatempe ta anfem akpet, owa ke po kara ka raru are, pe yi nanra anfem akpet manba nan rawankom ra kafaf, katana edina, kepe ba ranes kapa ye, aye na tha yi mafela ma anfem akpet thon be noru. Owa o fisa ti, kama a te gbondar anfem re tay o tay be me yo na an thanthone te kefumper aye bet anfaso ma thalar na-e, owa tasoma, a yi teke bot etho mekunkela na-e.

Owa a yi teke sakethi akera ake der o der, teke yo tathof ta raru be tmane. Owa tasoma anfem na tathof be an wopane ka raru, an bot ka masekrane man teke ben kama an gbasi ofu felen malane ma kason anfem akpet amari akomane na, ka ayiki yi to wuni kpet o yi-e, kapa runinani, yi bom nan a thenane. Owa an ben teke seka ro di rawankom yi mayi makolo ma anfem akpet.

Owa rokom kati be tathof ate yi ka anenki aye, tesone kapa, ta te wopane rakin yi tathof ta raru tek sakethi yi kewop amari a komane anfem akpet yi rawankom nan.

Owa anpo ben te kayi kasothne amari ame yi rawankom are, ya yi ankolo na masekrane ame.

Tasoma Akamatho ka Anfem na Raru ke Thasa

Akera Ake kapa :

Mashelo ma kason amari a komane anfem akpet ame, ma yi otama wa wuni o wuni yi ka tathof ta raru be kama wuni o wuni, agbar o gbar ka raru, o yi teke bot masekrane ame re merl aloko be, re kethakasa anfem akpet kama an seka kayikis amari a komane anfem akpet yi rawankom nan ro di, koton ka ane yi ka tathof ro kor yi aye yi ka tathof tبران. Kama anfem be ka raru an wop masekrane ame. Owa kama an sothne, yi kewop masekrane ame keton ka anfem na tathof yi ka anenki aye yi koton ka anfem be man kaman-e :

1. Ansekəl Atotoko

A kom anfem akpet be na athenane yi rawankom. Owa an ba memari methenane. Owa an ba mofith yi tchempe. Chiyani, an yi teke gbasi ankos nan mo kapa na tekem.

2. Ansekəl beka mareṅ

Wuni o wuni o ba mari ma rawankom, yi mamari a bot ka masekrane ame, kama a te say ko ta abonsho, mayi ma ander non, kapa uwan duni thalom wunibom, sothlom atent man fof, anḡina man nan, thalom kapa angbar an yi, teke ate mo wop ka amerl non, anthof non, thalom anbonsho o wur, te mone, ta ro a kom ko-o, yi metama o-e. Rodi kati so, a ye teke yo ko agbay te kapa angbar aye ro yi, amari o tama, thalom matama ma anthof, thalom angban owuni o yi-e, thalom kapa anthof aye po chiya ka angethe nati, thalom a nan ni masheheke, anyi ro ratha ka athof lom, thalom an baye ate ma yo ka angethe nate.

3. Ansekəl beka masas

Wuni o wuni o ba amari ta anesom non, rawankom ron yi kafisos anesom non.

4. Ansekəl beka manḡe

A ye so teke wop wuni retar, thalom kayis ko masheke. A ye so teke wop wuni, kethila atar de ron o ron. Kethila anfem ka ratar a yi teke gbinje ki.

5. Ansekəl beka tamath

A ye teke thalar, kesompar, thalom kegbalom wuni ka anfaso rekem.

6. Ansekəl beka tamthurukin

Wuni o wuni o ba amari mon a yi teke son ko ketanane ka antho-e.

7. Ansekəl beka tamthoderon

Anfem akpet a thenane teri ro der ka antho. Owa an ba amari ma kama antho an gberer na. Owa an ba amari ma kama antho an bum na kewur ka aye me yo na angbay; ta aye meshim masekrane ame, thalo m teke yo anfem lom an laser masekrane ame.

8. Ansekəl beka tamthoresas

Wuni o wuni o ba amari kama a thonkane ko ta bepi wuni o wuni o kathi ko amari mon ka rawuni kpet ketanane ka an th.

9. Ansekəl beka tamthoreganle

A ye teke barkar wuni ka anfaso. A ye teke bot ko der ofenane thalom kafitha ko rathof atel ka ma te mo yema.

10. Ansekəl beka tofat

A yi teke son wuni o wuni afere athenane suu ko elons ka anbare na anthonkas gberkethe me te yo agbay ka kagbengben amari mon yi angbethe non, yi malos thalom talas a pa to yo-e.

11. Ansekəl beka tofat nin

Owa wuni o wuni a po bot ka anbare na anthonkas be ta malos a pa mo yo-e, a ye teke gbasi kapa ate a lom kapa to yu-e teton, nan thas a po gbengben yi kelfthi lefthi. Owa a son ko anferi na kathonka kama o kathineka ate a der ko. Owa thas a ber kapa ate a l m teton yenka ma wop ko ten.

Owa a ye tekewop wuni ka antho ka malos ame payi o bote ri mata mon, pe ka antho na anthof non-o, thalom athof atel ka aloko a yo malos mati-e. Owa a ye teke thalar wuni pe thas mo to a bot tekethalar wuni meshim antho ka anloko o shim antho-o.

12. Ansekəl beka tofat mareṅ

A ye teke bot keson ka angbundu, anbonsho, mayira thalom ate mo gbal, owa kesambos ayiki ton yi anes no afino. Owa wuni o wuni ba amari ma ka yo antho an chima ko ka aye me bot ko keson-e.

13. Ansekəl beka tofat masas

Wuni o wuni o ba rawankom ra kakone ro o yema yi keboto mayira mon ro o yema-e ra thof o thof.

Owa wuni o wani o ba amari ma katey hali ro a kom ko-e teke kone ro o yema-e, thalom kekalan ro o wur-e.

14. Ansekəl beka tofat manḡe

Wuni o wuni o ba amari ma kagbuke o ko mankne ra athof lom, kama a te dif ko.

Owa a ye teke non ko amari ame ta salata efof eyay yay, thalom re tetek talom te won rapolitikis, thalom tetek te laser mathank ma Anyunayted Neshon.

15. Ansekəl beka tofat tamath

Wuni o wuni o ba amari tekni yira ka anthof non.

Owa wuni o baye mari teke kathi okos kon amari ma kayi ukin ka anthof non, thalom kebent ko kama o te shinkar kayi ukin ka anthof o te yema.

16. Ansekəl beka tofat tamthrukin

Aṅfēm aruni yi aṅfēm abom po tena-e, aṅ ba mari təkə nantane mo to aṅ yema-e; təkə te kəlene ta abonsho, aṅthof, thalom aṅdina kama aṅ tēpi talek taṅ.

Owa a ye təkə not wuni kə kōnə balā ka owe o te yema. Aṅe mənantane-e, aṅ yi təkə beṅ ka mlayema maṅ.

Owa ma pəyi ralek ra mlayira ra yi kaboth ka akələṅ kələṅ ka mlayirane-e, aṅe ka akələṅ be yi ka aṅthofe, a yi təkə bum ṅa də roṅ o roṅ maṅ yema yatha-e.

17. Aṅsəkəl beka tɔfɔt tamthəderəṅ

Wuni o wuni o ba amari təkə ba akəṅ koṅ koṅ son. Owa o gbəli so kal ba akəṅ yi afəm alomṅ.

Owa wuni o baye mari təkə kathi ko ki ra fɔso rəkom.

18. Aṅsəkəl beka tɔfɔt tamthresas

Wuni o wuni o ba amari ma rawankom ra katəmtəmne to o yema, enane yəṅ yi aṅdina o yema wop-e. Wa o ba amari ma kashinkar aṅdina o yema, yi malane moṅ. Owa o ba rawankom ra kathəksa, kabatho, kataṅaṅe yi kəthəksa malane moṅ pəyi koṅ son-o, ka akələṅ kələṅ yi afəm alom-o, dɛr ɔgberkethe-o, thalom ka aṅ gbundu ṅoṅ.

19. Aṅsəkəl beka tɔfɔt tamthreṅanle

Wuni o wuni o ba rawankom ra ate o təma yi kafɔf ate o yema-e. Owa rawankom are o ba ri təkə bət ate o nanə kə tə bot ko kə səṅ yi kəthens, thalom kəsakəthi tɔra yi etəmtəmne də roṅ o roṅ kə təkəlene ro o yi-e.

20. Aṅsəkəl beka kəgba

Wuni o wuni o ba amari ma kawop məgbane məthofəl yi kəkulune aṅe o yema-e.

A ye təkə fɔsar wuni kama o kəkulune ka ate o te yema-e.

21. Aṅsəkəl beka kəgba ṅin

Wuni o wuni o ba amari ma kagbasi agbap ka aṅkwament ṅa aṅthof ṅoṅ, kətaṅ ka koṅoṅ gbey thalom ka owe o thithe.

Aṅkwhament aṅ yi təkətaṅane ate aṅfem aṅ yema-e. Owa mlayema ame aṅ tə tɔrine ṅa ka katente thith aṅe aṅ yema-e, ka aṅgbundu. Owa a ye təkə penshane amari ma wuni o wuni po bək təkɪ thith wuni-e, kama o thith owe o yema o təma ta atəṅ.

[Missing?]

22. Aṅsəkəl beka kəgba marəṅ

Owa ma pəyi wuni o wuni o yi kətoṅ ka aṅfēm akəpet-e, o ba amari ma kamaranə ko kama pəfisa ko kətaṅ ka ɛmar ya aṅthof, ɛmar ya tatɔf tətəl, kətaṅane ka mo to o gbəli təma ukolo yi yiki kətoṅ ka aṅkos ṅoṅ.

23. Aṅsəkəl beka kəgba esas

Owa wuni o wuni o ba amari ma kaworək mapanth, rawankom ra kathith ko rəmapanth yi ka olompi wati kama ate penshane kəsəṅ wuni mapanth.

Owa wuni o wuni o yi təkə ba aram athənane bepi aṅ yo məpath məthənane kəte to agbay.

A yi təkə ram wuni o wuni aram afino mə gbəli səṅ ko ayiki toṅ ka ralek roṅ yi kəmar matay məlom o yi təkə yo ka akələṅ kələṅ ɔyi-e.

Wuni o wuni o ba amari təkə kulune, thalom kətəpi anənki mə chima ko kama o sotho aram afino ka mapanth mo worək-e.

24. Aṅsəkəl beka kəgba manle

Wuni o wuni o ba amari ma kafothane kəwur kayo mapanth to o yema. Owa o ba amari ma kasəṅ ko aloko mo fothane aloko o loko.

25. Aṅsəkəl beka kəgba tamath

Wuni o wuni o ba amari ma kayi uyenki mader, yi kabɔr koṅ. Owa aṅ yi təkə ba ɛdi ɛbeki, eyet ɛwoṅ, aṅseth kayi, tɔl ɛbeki, ɛmar ya aṅthof. Owa o yi təkə sotho amar ka aṅloko mo te yi rə məpanth-e, thalom utuy, bepi o səkə ulorane, thalom kəsəkə ubora, ubaki, owa sothəlom ma mo tə so gbəli worək ka aṅyethə ṅoṅ.

Aṅkomra yi aṅfeth be a yi təkə səṅ ṅa məmari məthokoṅ. Aṅfəth aṅe ma kom ka ka te tha nantane yinka te tha nantaney, a yi təkə səṅ ṅa ɛmar ɛthənənə.

26. Aṅsəkəl beka kəgba tamthurukin

Uwath O wath oba amari ma k ayoko oKaran A yi təkə yo wath o wath o pon ka karay ka ataranthe təfeth. Kere kathəkəs tatol yi kakaray kəboli rəkom a yi təkə səṅ ki ka aṅfəth aṅe gbəli thəkəs yi kakaray kati.

Owa kakaray a yi təkə yo ki kama kə gbəli mar owuni kama o ko rodi, tə kəbar ayiki toṅ yi rawankom roṅ. Owa kəyi təkə gbəli kara ko kəsəthrane ɛmera, kamuyane, kə kara rəyathki kətoṅ ka ta bona ta araru, aṅfēm akəpet, edina egbaske gbaske, owa yi kə kara məthofəl mo to Aṅyunatəd Neshon aṅ yema-e.

Aṅkomra aṅ ba amari ma kathith ko kə karany kay yema aṅfeth ṅay aṅ karay-e.

27. Aṅsəkəl beka kəgba tamthəderəṅ

Owa wuni o wuni oba amari ma katay makur ma aṅfēm ṅoṅ ame o yema-e, yi ka akələṅ kələṅ o yi-e. O yi təkə yanthene matay ame, owa o yi təkə mar kama mə ko ro di ka moyeṅ.

Wuni o wuni o ba amari ma kəbum mlayi, mlayet ame o bempa yi atafa ate konoṅ o gbal-e.

28. Aṅsəkəl beka kəgba tamthresas

Owa wuni o wuni o ba amari ma katayane aṅe o yema pəyi ka aṅthof ṅoṅ rəkor-o, thaom rə təthof tətəl ro mo gbəli sotho aṅfere ṅa ka sotho matay ame be a gbal ka masekrane ame ka rawankom roṅ kəyankaṅ.

29. Aṅsəkəl beka kəgba tamthreṅanle

Owa wuni o wuni o ba aṅgbethe ṅa təkə mar akələṅ kələṅ o sotho rawankom be o po teṅa yi kəwur ṅaniley.

Owa hali ma apa wuni o wuni o ba amari yi rawankomroṅ, ta tara ti kəpa o yi ro ratha ka a ṅtho. Owa o yi təkə yikis amari yi rawankom ra aṅkos ṅoṅ. Owa o anfəm ṅa rawankom.

Owa amari ame yi rawankom are, ɛ səṅ ye wuni mari təkə te taṅane mabotəs ma Aṅyunayted Neshon.

30. Aṅsəkəl beka kəgba tɔfɔt

Owa ate yi ka masekrane ame be, a ye təkə gbasi ti təkə sɔmpar aṅthof, wuni o wuni, thalom anənki ṅa aṅfēm, thalom təkə kasara amari yi rawankom yi ka masekrane ame.